

洋裁禮彙釋

na.11 2-4-2
0356852
2-4-203



356852

昭和13.31

國立臺灣大學圖書館典藏
由國家圖書館數位化

儀禮集釋卷二十八

宋 李如圭 撰

少牢饋食禮第十六

鄭目錄云諸侯之卿大夫祭其祖禰于廟之禮羊豕曰少牢少牢于五禮屬吉禮大戴第八小戴第十一別錄第十六

少牢饋食之禮

鄭注禮將祭祀必先擇牲繫于牢而芻之羊豕曰少牢諸侯之卿大夫祭宗廟之牲

日用丁己

鄭注內事用柔日必丁己者取其令名自丁寧自變改皆爲謹敬必先諏此日明日乃筮

筮旬有一日

鄭注旬十日也以先月下旬之己筮來月上旬之己

筮于廡門之外主人朝服西面于門東史朝服左執筮右抽上韞兼與筮執之東面受命于主人

鄭注史家臣主筮事者

釋曰主人朝服者照祭服以筮也特牲筮日主人亦服祭時立端司服職曰享先王則衮冕祭義曰

易抱龜南面天子袞冕北面則天子卜祭亦服其祭服雜記大夫士筮宅史練冠長衣以筮筮著也主人曰孝孫某來日丁亥用薦歲事于皇祖伯某以某妃配某氏尚饗

鄭注丁未必亥也直舉一日以言之耳禘于大廟禮曰日用丁亥不得丁亥則已亥辛亥亦用之無則苟有亥焉可也薦進也進歲時之祭事也皇君也伯某祖字也大夫或因字爲諡春秋傳曰魯無駭卒請諡與族公命以字爲展氏是也其仲叔季亦曰仲某叔某季某也某妃某妻也合食曰配某

氏若言姜氏子氏也尙庶幾饗歆也

釋曰夏小正曰丁亥萬用入學

案原本訛作萬入大學據大戴禮記

改正丁亥者吉日也筮不同土禮贊命者蓋辟君

史曰諾西面于門西抽下韉左執筮右兼執韉以擊筮

鄭注將問吉凶焉故擊之以動其神易曰著之德
圓而神

遂述命曰假爾大筮有常孝孫某來日丁亥用薦歲
事于皇祖伯某以某妃配某氏尙饗

鄭注述循也重以主人辭告筮也假借也言因著

之靈以問之常吉凶之占繇

乃釋鞮立筮

鄭注卿大夫之著長五尺立筮由便

卦者在左坐卦以木卒筮乃書卦于木示主人乃退
占

鄭注卦者史之屬也卦以木者每一爻畫地以識
之六爻備書于板史受以示主人退占東面旅占
之

釋曰示主人石本上有以字

吉則史纘筮史兼執筮與卦以告于主人占曰從

傳禮集釋
三
鄭注從者求吉得吉之言

乃官戒宗人命滌宰命爲酒乃退

鄭注官戒戒諸官也當共祭祀事者使之具其物

且齊也滌漑濯祭器掃除宗廟

若不吉則及遠日又筮日如初

鄭注及至也遠日後丁若後己

宿

鄭注宿讀爲肅肅進也大夫尊儀益多筮日既戒

諸官以齊戒矣

案矣今注疏本訛作也

至前祭一日又戒以

進之使知祭日當來古文宿皆作羞

釋曰申戒爲宿宿諸官宜在宿尸之後宿尸之夕爲期則宿前于祭一日

前宿一日宿戒尸

鄭注皆肅諸官之曰又先肅尸者重所用爲尸者又爲將筮

明日朝筮尸如筮日之儀

案儀唐石經及原本皆作禮從今注疏本

命曰

孝孫某來曰丁亥用薦歲事于皇祖伯某以某妃配某氏以某之某爲尸尙饗筮卦占如初

鄭注某之某者字尸父而名尸也字尸父尊鬼神也不前期三日筮尸者大夫下人君祭之朝乃視

濯與士異

釋曰周禮大宰享先王則掌百官之誓戒前期十日帥執事而卜日遂戒祭統曰散齋七日以定之日致齋三日以齊之先期旬有一日宮宰宿夫人夫人亦散齋七日致齋三日則天子諸侯前祭十日卜日而戒諸官散齋前期三日致齋士卑亦前期三日筮尸不嫌與人君同惟不得散齋七日耳大夫不敢同君散齋九日前祭一日乃筮尸而致齋吉則乃遂宿尸視擯

鄭注筮吉又遂肅尸重尸也既肅尸乃肅諸官及

執事者祝爲擯者尸神象

主人再拜稽首祝告曰孝孫某來日丁亥用薦歲事

于皇祖伯某以某妃配某氏敢宿

鄭注告尸以主人爲此事來肅

案今注疏本脫肅字

尸拜許諾主人又再拜稽首主人退尸送揖不拜

鄭注尸不拜者尸尊

釋曰祝釋辭尸乃拜異于士

若不吉則遂改筮尸

鄭注卽改筮之不及遠日

旣宿尸反爲期于廟門之外

鄭注爲期肅諸官而皆至定祭早晏之期爲期亦
夕時也言旣肅尸反爲期明大夫尊肅尸而已其
爲賓及執事者使人肅之

釋曰特牲饋食禮親宿賓

主人門東南面宗人朝服北面曰請祭期主人曰比
于子

鄭注比次早晏在于子也主人不西面者大夫尊
于諸官有君道也爲期亦惟尸不來也

宗人曰旦明行事主人曰諾乃退

鄭注旦明旦日質明

釋曰周禮雞人凡國事爲期則告之時時謂此旦明之時

明日主人朝服卽位于廟門之外東方南面宰宗人西面北上牲北首東上司馬刲羊司士擊豕宗人告備乃退

鄭注刲擊皆謂殺之此實旣省告備乃殺之文互者省也案今注疏本作省文也尙書傳曰案今注疏本脫曰字羊屬火

豕屬水

雍人概鼎匕俎于雍爨雍爨在門東南北上

鄭注雍人掌割烹之事者爨竈也在門東南統于

備禮集釋 六
主人北上羊豕魚腊皆有竈竈西有鑊凡概者皆
陳之而後告絜

廩人概甒甒匕與敦于廩爨廩爨在雍爨之北

鄭注廩人掌米入之藏者甒如甒一孔匕所以匕
黍稷者也古文甒爲烝

釋曰甒無底甒也

司宮概豆籩勺爵觚觶几洗筐于東堂下勺爵觚觶
實于筐卒概饌豆籩與筐于房中放于西方設洗于
阼階東南當東榮

鄭注放猶依也大夫攝官司宮兼掌祭器也

羹定雍人陳鼎五三鼎在羊鑊之西二鼎在豕鑊之

西

鄭注魚腊從羊膚從豕統于牲

司馬升羊右胖髀不升肩臂臑膊脰正脊一脰脊一
橫脊一短脅一正脅一代脅一皆二骨以竝腸三胃
三舉肺一祭肺三實丁一鼎

鄭注升猶上也上右胖周所貴也髀不升近竅賤
也肩臂臑肱骨膊脰股骨脊從前爲正脅旁中爲
正脊先前脅先後屈而反猶器之綽也竝併也脊
脅骨多六體各取二骨併之以多爲貴舉肺一尸

食所先舉也祭肺三爲尸主人主婦古文胖皆作
辯髀皆作脾今文竝皆爲併

釋曰肩至代脅凡十一體脊脅言一見其體言二
以竝見其骨腸胃各三蓋取脊脅之數尸主人主

婦各取神

案此下
原本缺

司士升豕右胖髀不升肩臂臑膊駘正脊一脰脊一
橫脊一短脅一正脅一代脅一皆二骨以竝舉肺一
祭肺三實于一鼎

鄭注豕無腸胃君子不食圉腴

釋曰養牛羊曰芻犬豕曰豢豢亦作圉犬豕食米

穀腸胃有似人穢

雍人倫膚九實于一鼎

鄭注倫擇也膚脅革肉擇之取美者

釋曰膚豕肉也

司士又升魚腊魚十有五兩鼎腊一純而鼎腊用麋
鄭注司士又升副俸者合升左右胖曰純純猶全
也

釋曰升鼎同時下經云司士三人升魚腊膚

卒胥皆設扃扉乃舉陳鼎于席門之外東方北面北

上

鄭注北面北上鄉內相隨古文鼎皆爲密

司宮尊兩甒于房戶之間同楹皆有冪

案冪各本訛作冪據唐石

經改正 甒 立酒

鄭注戶戶之間房西室戶東也楹無足禁者酒戒也大去足改名優尊者若不爲之戒然古文甒

皆作立今文冪作冪

司宮設盥水于洗東有枓設篚于洗西南肆

鄭注枓盥水器也凡設水用冪沃盥用枓禮在此

也

改饌豆籩于房中南面如饋之設實豆籩之實

鄭注改更也爲賓之更之威儀多也如饋之設如其陳之左右也饋設東面

釋曰如設于奧時

小祝設槃匱與篚巾于西階東

鄭注爲戶將盥

主人朝服卽位于阼階東西面

鄭注爲將祭也

司宮筵于奧祝設几于筵上右之

鄭注帑陳神坐也室中西南隅謂之奧席東面近南爲右

主人出迎鼎除鼎士盥舉鼎主人先入

鄭注道之也主人不盥不舉

司官取二勺于筐洗之兼執以升乃啟二尊之蓋奠奠于櫜上加二勺于二尊覆之南柄

鄭注二尊兩甒也今文啟為開古文柄皆為枋案今

注疏本脫啟為開古文皆其六字

釋曰立酒亦有勺重古如酌者然

鼎序入雍正執一匕以從雍府執四匕以從司士合執二俎以從司士贊者二人皆合執二俎以相從入

鄭注相助

釋曰雍正雍官之長府其屬也鼎一七二俎正俎
五與所俎而六

陳鼎于東方當序南于洗西皆西面北上膚爲下七
皆加于鼎東枋

鄭注膚爲下以其加也南于洗西陳于洗西南
釋曰榮在序外鼎當序洗當榮膚升鼎先魚腊從
其牲陳之在下如其次

俎皆設于鼎西西肆所俎在羊俎之北亦西肆

鄭注所俎在北將先載迕異其設文不當鼎

釋曰所俎不言在羊鼎西知不當鼎

宗人遺賓就主人皆盥于洗長杙

鄭注長杙者長賓先次賓後也主人不杙言就主

人者明親臨之古文杙作匕

釋曰此臣也而曰賓者祭以得賓客之助爲榮也

禮運曰仲尼與于蜡賓

佐食上利升牢心舌載于所俎心皆安下切上午割

勿沒其載于所俎末在上舌皆切本末亦午割勿沒

其載于所橫之皆如初爲之于爨也

鄭注牢羊豕也安平也平割其下于載便也凡割

本末食必正也午割使可絕也

案今注疏本脫也字勿沒爲

其分散也所之爲言敬也所以敬尸也周禮祭尙肺事尸尙心舌心舌知滋味今文切切皆爲刲

釋曰凡言牢者羊豕具有也午割從橫割之勿沒不絕其中央少許在爨制之已然特牲饋食禮曰所俎心舌皆去本末午割之實于牲鼎載心立舌縮俎論語曰割不正不食

佐食遷所俎于阼階西西縮乃反佐食二人上利升羊載右胖髀不升肩臂臠膊髀正脊一脰脊一橫脊一短脅一正脅一代脅一皆二骨以竝腸三胃三長皆及俎拒舉肺一長終肺祭肺三皆切肩臂臠膊髀

在兩端脊脅肺肩在上

鄭注升之以尊卑載之以體次各有宜也拒讀爲介距之距俎距脛中當橫節也凡牲體之數及載備于此

釋曰俎距謂中俎足爲橫距猶雞距也凡牲體前脛骨三肩臂臑也後脛骨三膊髀髀也脊骨三正脊脰脊橫脊也脅骨三代脅長脅短脅也膊之

下原
本缺

下利升豕其載如羊無腸胃體其載于俎皆進下

鄭注進下變于食生也所以交于神明不敢以食

道敬之至也鄉飲酒禮進腍羊次其體豕言進下
互相見

釋曰骨有本末進腍進本也進下進末也

司士三人升魚腊膚魚用鮒十有五而俎縮載右首
進腍

鄭注右首進腍亦變于食生也有司載魚橫之少
儀曰羞濡魚者進尾

釋曰凡載魚皆右首食生則寢右而進鬻下篇賓
尸魚橫于人爲縮蓋進其尾也又與此正祭異

腊一純而俎亦進下肩在上

鄭注如羊豕凡腊之體載禮在此

膚九而俎亦橫載革順

鄭注列載于俎令其皮相順亦者亦其骨體

釋曰牲體進下則俎亦橫載于此互見之

卒盥祝盥于洗升自西階主人盥升自阼階祝先入
南面主人從戶內西面

鄭注將納祭也

主婦被錫衣侈袂薦自東房韭菹醢醢坐奠于筵前
主婦贊者一人亦被錫衣侈袂執葵菹羸醢以授主
婦主婦不興遂受陪設于東韭菹在南葵菹在北主

婦興入于房

鄭注被錫讀爲髮髻古者或剔賤者刑者之髮以被婦人之紒爲飾因名髮髻焉此周禮所謂次也不纒笄者大夫妻尊亦衣綃衣而侈其袂耳侈者蓋半上妻之袂以益之袂三尺三寸祛尺八寸韭菹醢醢朝事之豆也而饋食用之豐大夫禮葵菹在北禮今文錫爲緡羸爲蝸

釋曰也師有次次第髮之長短爲之亦見士昏禮婦贊有一人亦被錫衣侈袂則其餘如士之妻纒笄宵衣耳士妻與助祭婦人同宵衣無異服者禮

窮則同故也袂袖也祛袂口也士妻之袂二尺二寸祛尺二寸朝事薦血腥之事也周禮醢人朝事八豆有韭菹醢醢饋食八豆有葵菹羸醢士饋食禮惟取葵菹羸醢豐大夫禮故兼取朝事二豆豆皆右菹左醢而此葵菹在北者與韭菹紜設之采蘋詩曰于以奠之宗室牖下王肅以爲大夫妻助祭采蘋藻以爲菹設之于奧奧卽牖下朝士當作朝事

佐食上利執羊俎下利執豕俎司士三人執魚腊膚俎序升自西階相從入設俎羊在豆東豕亞其北魚

在羊東腊在豕東特膚當俎北端

鄭注相助也

主婦自東房執一金敦黍有蓋坐設于羊俎之南婦
贊者執敦稷以授主婦主婦興受坐設于魚俎南又
興受贊者敦黍坐設于稷南又興受贊者敦稷坐設
于黍南敦皆南首主婦興入于房

鄭注敦有首者尊者器飾也飾蓋象龜周之禮飾
器各以其類龜有上下甲今文曰主婦入于房

祝酌奠遂命佐食啟會佐食啟會蓋二以重設于敦

南

鄭注酌奠酌酒爲神奠之後酌者酒尊要成也特
牲饋食禮曰祝洗酌奠奠于鉶南重累之

釋曰饋由尊者而成故酒後設之下經鉶設于韭
菹之用此時鉶未設故奠處亦空其文

主人西面祝在左主人再拜稽首祝祝曰孝孫某敢
用柔毛剛鬣嘉薦普淖用薦歲事于皇祖伯某以某
妃配某氏尚饗主人又再拜稽首

鄭注羊曰柔毛豕曰剛鬣嘉薦菹醢也普淖黍稷
也普大也淖和也德能大和乃有黍稷春秋傳曰
奉粢以告曰絜粢豐盛謂其三時不害而民和年

豐也

釋曰曾子問曰宗子爲士庶子爲大夫其祭也如之何孔子曰以上牲祭于宗子之家祝曰孝子某爲介子某薦其常事若宗子有罪居于他國庶子爲大夫其祭也祝曰孝子某使介子某執其常事羊肥則毛柔豕肥則鬣剛盛音成

祝出迎尸于席門之外主人降立于阼階東西面祝先入門右尸入門左

鄭注士人不出迎尸伸尊也特牲饋食禮曰尸入主人及賓皆辟位出亦如之祝入門右者辟尸盥

也既則後尸

釋曰不迎尸伸尸之尊

宗人奉槃東面于庭南一宗人奉匱水西面于槃東
一宗人奉簞巾南面于槃北乃沃尸盥于槃上卒盥
坐奠簞取巾興振之三以授尸坐取簞興以受尸巾
鄭注庭南沒雷

釋曰尸盥設于西階東尸入門左至門內雷侍盥
者奉器就之門內雷在庭之南特牲饋食禮曰尸
入門左北面盥亦繼門言之

祝延尸尸升自西階入祝從

鄭注由後詔相之曰延延進也周禮曰大祝相尸
禮祝從從尸升自西階

主人升自阼階祝先入主人從

鄭注祝接神先入宜也

尸升筵祝主人西面立于戶內祝在左

鄭注主人由祝後而居右尊也祝從尸尸卽席乃
卻居主人左

祝主人皆拜安尸尸不言尸荅拜遂坐

鄭注拜安尸拜之使安坐也尸自此荅拜遂坐而
卒食其閒有不啐奠不嘗鉶不告旨大夫之禮尸

彌尊也不告旨者為初亦不饗所謂曲而殺

釋曰不嘗鉶不嘗豕鉶也不饗祝不釋勸強之辭

蓋辟八君

祝反南面

鄭注禾有事也隋祭爾敦

案隋各本訛作墮下同據釋文改正

官各

肅其職不命

尸取韭菹辯換于三豆祭于豆間上佐食取黍稷于

四敦下佐食取牢一切肺于俎以授上佐食上佐食

兼與黍以授尸尸受同祭于豆祭

鄭注牢羊豕也同合也合祭于俎豆之祭也黍稷

之祭爲隋祭將食神餘尊之而祭之今文辯爲徧
釋曰切肺祭肺也神俎祭肺二取其一也言牢者
羊豕兼取之俎豆當作菹豆

上佐食舉尸牢肺正脊以授尸上佐食爾上敦黍于
筵上右之

鄭注爾近也或曰移也右之便尸食也重言上佐
食明更起不相因

釋曰牢肺離肺也授尸下賈氏有尸受祭肺四字
不設大羹者大羹爲尸不爲神賓尸乃有之

主人羞所俎升自阼階直于膚北

案直各本訛作
置據釋文改正

鄭注羞進也所敬也親進之主人敬尸之加

上佐食羞兩鉶取一羊鉶于房中坐設于韭菹之南
下佐食又取一豕鉶于房中以從上佐食受坐設于
羊鉶之南皆芼皆有柶尸扱以柶祭羊鉶遂以祭豕
鉶嘗羊鉶

鄭注芼菜也羊用苦豕用薇皆有滑

釋曰苦薇滑見公食記

食舉

鄭注舉牢肺正脊也先食啗之以爲道也

三飯

鄭注食以黍

釋曰飯扶晚切下同

上佐食舉尸牢幹尸受振祭濟之佐食受加于所

鄭注幹正脅也古文幹爲肝

上佐食羞載兩瓦豆有醢亦用瓦豆設于薦豆之北

鄭注設于薦豆之北以其加也四豆亦紼羊載在

南豕載在北無臠臠者尙牲不尙味

釋曰紼者羊載北醢醢東豕載載南醢

尸又食食載上佐食舉尸一魚尸受振祭濟之佐食

受加于所橫之

鄭注又復也或言食或言飯食大名小數曰飯魚
橫之者異于肉

釋曰魚縮俎今則橫之牲橫載加于所其縮之與
又食上佐食舉尸腊肩尸受振祭臠之上佐食受加
于所

鄭注腊魚皆一舉者少牢二牲略之腊必舉肩以
肩爲終也別舉魚腊崇威儀

釋曰特牲魚腊皆竝時三舉肩尊牲體亦後舉之
又食上佐食舉尸牢幣如初

鄭注如舉幹也

又食

鄭注不舉者卿大夫之禮不過五舉須侑尸

尸告飽祝西面于主人之南獨侑不拜侑曰皇尸未
實侑

鄭注而勸也祝獨勸者更則尸飽實猶飽也祝既
侑復以南面

尸又食工佐食舉尸牢肩尸受振祭嚙之佐食受加
于斝

鄭注四舉牢體始于正脊終于肩尊于終始

尸不飯告飽祝西面于主人之南

鄭注祝當贊主人辭主人之南

主人不言拜侑

鄭注祝言而不拜主人不言而拜親疏之宜

釋曰周禮大祝辨九拜以享侑祭祀

尸又三飯

鄭注為祝一飯為主人三飯尊卑之差凡十一飯

案凡今注疏本訛作尸 下人君也

釋曰下尸稼切

上佐食受尸牢肺正脊加于胙

鄭注言受者尸授之也尸受牢幹而實舉于菹豆

食畢操以授佐食焉

釋曰菹豆韭菹之豆

主人降洗爵升北面酌酒乃酌尸尸拜受主人拜送
鄭注酌猶羨也既食之而又飲之所以樂之古文
酌作酌

尸祭酒啜酒賓長羞牢肝用俎縮執俎肝亦縮進末
鹽在右

鄭注羞進也縮從也鹽在肝右便尸換之古文縮
爲蹙

釋曰鹽在右據賓長西面設者而言于尸爲鹽在

左右取肝鄉左換之

尸左執爵右兼取肝換于俎鹽振祭嚙之加于菹豆
卒爵主人拜祝受尸爵尸荅拜

鄭注兼兼羊豕

釋曰少儀曰其有折俎者取祭反之不坐燔亦如
之尸則坐

祝酌授尸尸醋主人主人拜受爵尸荅拜主人西面
奠爵又拜

鄭注主人受酢酒俠爵拜彌尊尸

上佐食取四敦黍稷下佐食取牢一切肺以授上佐

食上佐食以綏祭

鄭注綏或作按按讀爲墮將受嘏亦尊尸餘而祭

之古文綏爲所

案綏各本訛作墮據經云以綏祭又後注云綏亦當作按古文爲所

可證此墮字乃綏之訛

主人左執爵右受佐食坐祭之又祭酒不興遂啐酒

鄭注右受佐食右手受墮于佐食也至此言坐祭

之者明尸與主人爲禮也尸恒坐有事則起主人

恒立有事則坐

祝與二佐食皆出盥于洗入二佐食各取黍于一敦

上佐食兼受搏之以授尸尸執以命祝

鄭注命祝以嘏辭

卒命祝祝受以東北面于戶西以嘏于主人曰皇尸
命工祝承致多福無疆于女孝孫來女孝孫使女受
祿于天宜稼于田眉壽萬年勿替引之

鄭注嘏大也予主人以大福工官也承猶傳也來
讀曰釐釐賜也耕種曰稼勿猶無也替廢也引長
也言無廢止時長如是也古文嘏爲格祿爲福眉
爲微替爲袂袂或爲載載音聲相近

釋曰詩天保曰吉蠲爲饎是用孝享禴祠烝嘗于
公先王君曰卜爾萬壽無疆楚茨曰工祝致告徂

賚孝孫苾芬孝祀神嗜飲食卜爾百神如幾如式
既齊既稷既匡既勅永錫爾極時萬時億卜予也
此皆序嘏主人之辭

主人坐奠爵興再拜稽首興受黍坐振祭齊之詩懷
之實于左袂挂于季指執爵以興坐卒爵執爵以興
坐奠爵拜尸荅拜執爵以興出宰夫以籩受嗇黍主
人嘗之納諸內

鄭注詩猶承也實于左袂便右手也季猶小也出
出戶也宰夫掌飲食之事者收歛曰嗇明豐年乃
有黍稷也復嘗之者重之至也納猶入也古文挂

作卦

主人獻祝設席南面祝拜于席上坐受

鄭注室中迫狹

釋曰亦變于尸

主人西面荅拜

鄭注不言拜送下尸

釋曰下尸嫁切後下尸同

薦兩豆菹醢

鄭注葵菹羊臠醢

佐食設俎牢醢解橫脊一短脅一腸一胃一膚三魚一

橫之腊兩髀屬于尻

鄭注皆升下體祝賤也魚橫者四物共俎殊之也

腊兩髀屬于尻尤賤不殊

釋曰髀橫脊短脅皆下體也四物羊豕魚腊腊升

左右胖故尻在兩髀中連屬之

祝取菹換于醢祭于豆閒祝祭俎

鄭注大夫祝俎無肺祭用膚遠下尸不躋之膚不

盛

釋曰大夫尸尊祝無祭肺又無離肺其祭用膚與

餽者同耳

祭酒啐酒肝牢從祝取肝換于鹽振祭嚌之不興加
于俎卒爵興

鄭注亦如佐食授爵乃興不拜既爵大夫祝賤也
主人酌獻上佐食上佐食戶內牖東北面拜坐受爵
主人西面荅拜佐食祭酒卒爵拜坐授爵興

鄭注不啐而卒爵者大夫之佐食賤禮略

釋曰授石本作受

俎設于兩階之間其俎折一膚

鄭注佐食不得成禮于室中折者擇取牢正體餘
骨折分用之有胄而無薦亦遠下尸

釋曰無肺又無菹醢

主人又獻下佐食亦如之其胥亦設于階閒西上亦折一膚

鄭注上佐食既獻則出就其俎特牲記曰佐食無事則中庭北面謂此時

有司贊者取爵于篚以升授主婦贊者于房戶

鄭注男女不相因特牲饋食禮曰佐食卒角主人受角降反于篚

婦贊者受以授主婦主婦洗于房中出酌入戶西面拜獻戶

鄭注入戶西面拜由便也不北面者辟人君夫人

也拜而後獻者當俠拜也昏禮曰婦洗在北堂直

室東隅

釋曰特牲主婦北面拜凡大夫所辟者士多得與

君同卑不嫌也

尸拜受主婦主人之北西面拜送爵

鄭注拜于主人之北西面婦人位在內此拜于北

則上拜于南矣

案此今注疏本訛作也脫矣字

由便也

尸祭酒卒爵主婦拜祝受尸爵尸荅拜易爵洗酌授

尸

鄭注祝出易爵男女不同爵

主婦拜受爵尸荅拜上佐食綏祭主婦西面于主人之北受祭祭之其綏祭如主人之禮不嘏卒爵拜尸荅拜

鄭注不嘏夫婦一體綏亦當作授古文爲所

主婦以爵出贊者受易爵于筐以授主婦于房中

鄭注贊者有司贊者也易爵亦以授婦贊者婦贊者受房戶外人授主婦

主婦洗酌獻祝祝拜坐受爵主婦荅拜于主人之北卒爵不興坐授主婦

鄭注不挾拜下戶也今文曰祝拜受

主婦受酌獻上佐食于戶內佐食北面拜坐受爵主婦西面荅拜祭酒卒爵坐授主婦主婦獻下佐食亦如之主婦受爵以入于房

鄭注不言拜于主人之北可知也爵奠于內篚

賓長洗爵獻于戶戶拜受爵賓戶西北面拜送爵戶祭酒卒爵賓拜祝受戶爵戶荅拜祝酌授戶賓拜受爵戶拜送爵賓坐奠爵遂拜執爵以興坐祭遂飲卒爵執爵以興坐奠爵拜戶荅拜賓酌獻祝祝拜坐受爵賓北面荅拜祝祭酒啐酒奠爵于其筵前

鄭注啐酒而不啐爵祭事畢示醉也不獻佐食將
儻尸禮殺

釋曰啐爵當作卒爵

主人出立于阼階上西面祝出立于西階上東面祝
告曰利成

鄭注利猶養也成畢也孝子之養禮畢

釋曰特牲饋食禮戶外告利成此禮于階上尊者
彌遠于尸

祝入尸謾主人降立于阼階東西面

鄭注謾起也謾或作休

祝先尸從遂出于席門

鄭注事尸之禮訖于席門外

釋曰尸在席門外則疑于臣故送逆尸皆以席門
爲斷

祝反復位于室中主人亦入于室復位祝命佐食徹
所俎降設于堂下阼階南

鄭注徹所俎不出門將饋尸也所俎而以饋尸者
其本爲不反魚肉耳不云尸俎未歸尸

釋曰特牲饋食禮佐食徹尸俎出于席門卽此所

俎

司宮設對席乃四人養

鄭注大夫禮四人餽

案餽今注疏本作養

明惠大也

上佐食盥升下佐食對之賓長二人備

鄭注備四人餽也三餽亦盥升

釋曰上佐食坐尸之處

司士進一敦黍于上佐食又進一敦黍于下佐食皆右之于席上

鄭注右之者東面在南西面在北

資黍于羊俎兩端兩下是餽

鄭注資猶減也減置于羊俎兩端則一賓長在上

佐食之北一賓長在下佐食之南今文資作齋

釋曰餽當如上下文作養

司士乃辯舉養者皆祭黍祭舉

鄭注舉舉膚今文辯爲徧

主人西面三拜養者養者奠舉于俎皆荅拜皆反取

舉

鄭注三拜旅之示徧也言反者拜時或去其席在

東面席者東面拜在西面席者皆南面拜

釋曰在西面者與主人同面故南面拜

司士進一鉶于上養又進一鉶于次養又進一豆清

于兩下乃皆食食舉

鄭注清肉汁也

釋曰神坐止有羊豕二鉶故兩下進清也皆食食
黍也食舉食膚

卒食主人洗一爵升酌以授上養贊者洗三爵酌主
人受于戶內以授次養若是以辯皆不拜受爵主人
西面三拜養者養者奠爵皆荅拜皆祭酒卒爵奠爵
皆拜主人荅壹拜

鄭注不拜受爵者大夫餽者賤也荅壹拜略也古
文壹爲一也

釋曰周禮九拜有奇拜謂一拜也荅臣下之拜

養者三人興出

鄭注六降實爵于篚反賓位

上養止主人受上養爵酌以醋于戶內西面坐奠爵拜上養荅拜坐祭酒啐酒

鄭注主人自酢者上養獨止當尸位尊不酌也

上養親嘏曰主人受祭之福胡壽保建家室

鄭注親嘏不使祝授之亦以黍

主人興坐奠爵拜執爵以興坐卒爵拜上養荅拜上養興出主人送乃退

鄭注送佐食不拜賤

儀禮集釋卷二十八

後學 陶福恒 校訂

新編集卷二十八

勢學 謝靈運 詩

瀛海表式食不秣穀

儀禮集釋卷二十九

宋 李如圭 撰

有司徹第十七

鄭目錄云少牢之下篇也上大夫既祭饋尸于堂之禮若下大夫祭畢禮尸于室中無別行饋尸于堂之事天子諸侯之祭明日而釋有司徹于五禮屬吉禮案今注疏本脫禮字大戴第九小戴第十二別錄少牢下篇第十七

有司徹

鄭注徹室中之饋及祝佐食之俎卿大夫既祭而

僎尸禮崇也僎尸則不設饌西北隅以此薦俎之
陳有祭象而亦足以厭飫神天子諸侯明日祭于
祊而釋春秋傳曰辛巳有事于太廟仲遂卒于垂
壬午猶釋是也爾雅曰釋又祭也

掃堂

鄭注爲僎尸新之少儀曰汎埽曰埽埽席前曰拊

司宮攝酒

鄭注更洗益整頓之今文攝爲聶

乃藝尸俎

鄭注藝温也温尸俎于黜所亦温焉獨言温尸俎

則祝與佐食不與儐尸之禮古文𦉰皆作尋記或作燂春秋傳曰若可燂也亦可寒也

釋曰𦉰說文曰于湯中燂肉也尸俎神俎也尸所舉肩骼加于所者下皆復載于俎知所俎亦𦉰

卒𦉰乃升羊豕魚三鼎無腊與膚乃設扃冪陳鼎于門外如初

鄭注腊爲庶羞膚從豕去其鼎者儐尸之禮殺于初如初者如扃門之外東方北面北上今文扃爲鉉古文冪爲密

乃議侑于賓以異姓

鄭注議猶擇也擇賓之賢者可以侑尸必用異姓
廣敬也是時主人及賓有司已復內位古文侑皆
作宥

宗人戒侑

鄭注戒猶告也南面告于其位戒曰請子爲侑

侑出俟于廟門之外

鄭注俟待也待于外當與尸更入主人興禮事尸
極敬心也

司宮筵于戶西南面

鄭注爲尸席也

又筵于西序東面

鄭注爲侑席也

釋曰尸侑席位與鄉飲酒賓介之位同

尸與侑北面于席門之外西上

鄭注言與殊尊卑北面者賓尸而尸益卑西上統

于賓客

主人出迎尸宗人擯

鄭注賓客尸而迎之主人益尊擯贊

釋曰鄉者祝擯尸神象今宗人擯賓尸也

主人拜尸荅拜主人又拜侑侑荅拜主人揖先入門

右

鄭注道戶

戶入門左侑從亦左揖乃讓

鄭注沒雷相揖至階又讓

釋曰沒雷至門內雷

主人先升自阼階戶侑升自西階西楹西北面東上
鄭注東上統于其席

釋曰異于門外西上也戶西之席東上侑席亦西
于戶席

主人東楹東北面拜至戶荅拜主人又拜侑侑荅拜

鄭注拜至喜之

乃舉

鄭注舉舉鼎也舉者不盥殺也

司馬舉羊鼎司士舉豕鼎舉魚鼎以入陳鼎如初

鄭注如初如阼階下西面北上

雍正執一匕以從雍府執二匕以從司士合執二俎

以從司士贊者亦合執二俎以從匕皆加于鼎東枋

二俎設于羊鼎西西縮二俎皆設于二鼎西亦西縮

鄭注雍正羣吏掌辨體名肉物者府其屬凡三七

鼎一匕四俎爲尸侑主人主婦其二俎設于豕鼎

魚鼎之西陳之宜具也古文縮皆爲蹙

釋曰四俎皆載羊體之正俎而分陳二鼎西者欲使鼎具有俎

雍人合執二俎陳于羊俎西竝皆西縮覆二疏匕于其上皆縮俎西枋

鄭注竝併也其南俎司馬以羞羊匕清羊肉清其北俎司士以羞豕匕清豕肉清豕胄清魚疏匕匕柄有刻飾者古文竝皆作併

釋曰二俎上有匕知以羞匕清既則以羞羊肉清豕胄下經羊肉清載于南俎匕清皆次賓羞之侑

魚清司馬羞之而槩云司馬司士者因司馬割羊
司士擊豕而統言之疏者疏通刻飾之名明堂有
疏屏豕肉消三字衍卽豕胄也

主人降受宰几尸侑降主人辭尸對

鄭注几所以坐安體周禮大宰掌贊玉几玉爵

宰授几主人受二手橫執几揖尸

鄭注獨揖尸几禮主于尸

主人升尸侑升復位

鄭注位阼階賓階上位

主人西面左手執几縮之以右袂推拂几三二手橫

執几進授尸于筵前

鄭注衣袖謂之袂

案此下今注疏本有拂者外拂之也六字

推拂去塵

示新

尸進二手受于手閒

鄭注受從手閒謙也

主人退尸還几縮之右手執外廉北面奠于筵上左之南縮不坐

鄭注左之者異于鬼神主人陽長左鬼神陰長右不坐奠之者几輕

主人東楹東北面拜

鄭注拜送几也

尸復位尸與侑皆北面荅拜

鄭注侑拜者從于尸

主人降洗尸侑降尸辭洗主人對卒洗揖主人升尸
侑升尸西楹西北面拜洗主人東楹東北面奠爵荅
拜降盥尸侑降主人辭尸對卒盥主人揖升尸侑升
主人坐取爵酌獻尸尸北面拜受爵主人東楹東北
面拜送爵

鄭注降盥者爲土汚手不可酌

主婦自東房薦韭菹醢坐奠于筵前菹在西方婦贊

者執昌菹醢以授主婦主婦不與受陪設于南昌在東方與取籩于房麩蕡坐設于豆西當外列麩在東方婦蕡者執白黑以授主婦主婦不與受設于初籩之南白在西方與退

鄭注昌昌本也韭菹醢醢昌木麩蕡熬麥也蕡熬桑實也白熬稻黑熬黍此皆朝事之豆籩大夫無朝事而用之僨尸亦豐大夫之禮主婦取籩與者以饌異親之當外列辟鉶也退退入房也

釋曰先獻後薦異于祭也陪設重列之也籩人掌朝事之籩其實麩蕡白黑醢人掌朝事之豆其實